



ISLAMSKA ZAJEDNICA U BOSNI I HERCEGOVINI
ISLAMSKA ZAJEDNICA BOŠNJAKA SJEVERNE AMERIKE
Bosnian Islamic Cultural Center Chicago

Januar 1, 2021.

Chicago, IL

Predmet: IMAMSKI IZVJEŠTAJ ZA SKUPŠTINU

Poštovani članovi, drage džematlije i prijatelji džemata BICC, es-selamu alejkum.

Svaka hvala i zahvala pripada Allahu, dželle šanuhu, na svakoj odredbi i svemu što se dešava oko nas i u nama samima. Neka je salavat i selam na Allahovog poslanika, Muhammeda, (sallallahu alejhi ve sellem) koji nas je uputio na džemat i svojim primjerom pokazao ulogu džamije i džemata. Također, Allahov blagoslov neka je na njegove džematlije, ashabe, ehlul-bejt, i sve generacije nakon njih koji kelime i šehadet svejedoče okupljajući se u džematima i brinući o Allahovim kućama.

Draga braćo i sestre,

iza nas su dvije jako različite godine; kalendarska 2019.godina bila je jedna od najproduktivnijih godina u proteklih nekoliko godina, dok je 2020. godina bila godina ograničenih aktivnosti i limitiranih mogućnosti za džematske događaje na koje smo navikli. S ove distance gledanja, vidim da smo mnoge stvari uzimali "zdravo za gotovo" držeći da ništa ne može zaustaviti naš progres ukoliko budemo vrijedno radili kao do sada. A onda Allah dadne jedan mali virus, nevidljiv golim okom, koji zaustavi cijeli dunjaluk; prizemlja avione na najvećim svjetskim aerodromima, zaustavi rad najvećih svjetskih kompanija, zatvori najveće svjetske muzeje i biblioteke, djecu istjera iz njihovih škola i sve nas zaključa u vlastite domove. Pored toga, donese nam brigu šta će biti sa našim poslovima, našim projektima i aktivnostima, da li će naši džemati preživjeti pandemiju, ustvari donese jedno potpuno novo pitanje ali najvažnije pitanje: Šta će biti sa našim životima?

Protekla 2020.godina sa sobom je donijela i mnogo dobrih stvari; naučila nas je da se stvari mogu prekonoci iznenada promijeniti bez ikakve najave, poučila nas je da nikada ne smijemo biti opušteni već da se uvijek moramo vrijedno boriti i zalagati. U jednu ruku, podsjetila nas je na onaj kur'anski ajet iz sure Jusuf: "Sijaćete sedam godina uzastopno" - reče - "pa ono što požanjete u klasu ostavite, osim ono malo što ćete jesti, jer će poslije toga doći sedam teških koje će pojesti ono što ste za njih pripremili, ostaće jedino ono malo što ćete za sjetvu sačuvati. (Jusuf, 47-48)

Bosnian Islamic Cultural Center, 7022 N. Western Ave, Chicago IL 60645
 Phone: (+1)773 338-4076; e-mail: info@bicc-chicago.com; www.bicc-chicago.com



Mi smo kao džemat, ovdje mislim na instituciju BICC, spremno dočekali krizu koju je sa sobom donijela pandemija Corona virusa, pa možda i spremnije u odnosu na većinu džemata na teritorije Sjeverne Amerike. To kažem iz razloga što smo u proteklim godinama uspjeli izgraditi jedan sistem koji funkcioniše; sačinili smo odbore i vijeća koja su neophodna za uspješno funkcionisanje jednog centra (džematski odbor, savjetodavno vijeće, ženska grupa, vijeće roditelja, omladinska grupa, tim vjeroučitelja) i u njih izabrali vrijedne i nama povjerljive osobe koje se znaju brinuti o džematu. Prije toga, uspjeli smo izgraditi dobar sistem komunikacije sa našim džematlijama (email, web stranica i facebook profil) putem kojih smo informisali naše džematlije o svim aktivnostima i značajnijim džematskim odlukama. Džematski Odbor je kalendarsku 2020. godinu počeo vrlo radno, planirajući i pripremajući se za nove aktivnosti (<https://bicc-chicago.com/2020/01/27/radni-sastanci-u-dzematu/>), no onda se desila pandemija koja je totalno izmijenila naše planove (<https://bicc-chicago.com/2020/03/17/odluka-obustavljanju-svih-aktivnosti/>).

U toku same pandemije radili smo na uspostavljanju jednog novog sistema komunikacije i arhiviranja članstva, najsavremeniji Sales Force sistem (<https://bicc-chicago.com/2020/07/08/gradimo-novi-dzematski-online-sistem/>), kojeg smo zvanično pustili u rad u decembru 2020. godine. S druge strane, džemat smo dočekali u ekonomskoj stabilnosti zahvaljujući prvenstveno Vama, našim džematlijama, koji ste svih ovih proteklih godina vodili brigu o svom džematu, kako kroz plaćanje džematske članarine tako i kroz uvakufjavanje svog imetka za izgradnju našeg budućeg islamskog centra Ćamil-ef. Avdić, uz Allahovu pomoć. Tokom pandemije u nekoliko navrata stavili smo se na raspolaganje našim džematlijama u smislu da smo pitali da li je nekome potrebna bilo kakva vrsta pomoći. Naše džematlije su vrijedni ljudi, ljudi koji čast i ponos ne žele lahko prodati, pa nam je s te strane bilo jako teško doći do onih kojima je zaista pomoć potrebna. Ipak, željeli smo jasno staviti do znanja da smo spremni pomoći i da stojimo na raspolaganju (<https://bicc-chicago.com/2020/03/16/zajedno-protiv-corona-virusa/>).

Čini mi se da je ljudima jako teško palo nemogućnost žive komunikacije sa svojom braćom i sestrama, sa svojim imamom, nego što ih je plašila mogućnost obolijevanja. Otuda sam kao imam nastojao da tokom pandemije budem telefonski dostupan za sve one džematlije koje su imale potrebu da sa imamo porazgovaraju. Posebno nam je bilo teško zbog toga što smo tokom pandemije izgubili nekoliko vrlo značajnih džematlija, koji su Allahovom voljom napustili nas tokom protekle godine, a koji su ostavili veliki trag u našem džematu. Ovim putem ih se sjećamo učenjem el-Fatihe i u našim dovama. Allah da im dadne svako dobro!

Najteže nam je pala činjenica da smo primorani džamijska vrata zatvoriti pred našim džematlijama jer je briga o njihovom zdravlju, drugim riječima njihovim životima kur'anski imperativ i zakonska odredba. Jer, šta je džamija bez džemata!? Posebno nam je

teško palo što nismo bilo u prilici mubarek ramazan dočekati u džamijskim prostorijama; na zajedničkim teravim namazima i džematskim iftarima.

No, mi smo kao i svi ostali bili primorani tražiti alternativu kako bi se džematske aktivnosti nastavile u onoj mjeri u kojoj je moguće. Tako smo džumanske hutbe prenosili uživo putem džematskog Facebook profila, a sva važnija obavještenja postavljali smo na džematsku web stranicu i slali ih putem emaila. Ovdje želim kazati da tokom protekle godine u našem džematu nijedna Džuma namaz nije izostavljena, hvala Allahu, čak ni u vrijeme lockdown-a, jer sam zajedno sa nekoliko članova džematskog Odbora klanjao Džumu u našoj džamiji čuvajući tradiciju da se ne prekine. Zašto samo članovima odbora? Pa zato što je zakonski bilo zabranjeno svako veće okupljanje, a džematski odbor osim što je radio na uređivanju džematske arhive brinuo se evo i da džamija u bilo kojoj mjeri bude aktivna. Uoči petka smo redovno obavljali namaz u džematu, dok je vikendom blagajna redovno bila otvorena zahvaljujući marljivošću naše blagajnice hadži Vavije Čolpe.

Ipak, kao što rekoh mnogobrojne džematske aktivnosti u protekloj godini bile su mnogo drugačije nego samo godinu dana ranije. Taman kad smo se pripremali da polaznicima Škole Kur'ana za odrasle dodijelimo diplome na ime uspješnog naučavanja arapskog pisma, bili smo primorani obustaviti naše časove u džamijskoj kafeteriji i diplome predstaviti online putem. Ipak, to nas nije zaustavilo tako da smo opet na jesen pokrenuli 9. sezonu Škole Kur'ana za odrasle (<https://bicc-chicago.com/2020/10/04/skola-kurana-za-odrasle/>) koja već uveliko traje i koja će izroditi nove učeće Kur'ana, ako Bog da.

Početkom kalendarske 2020.godine naš džemat je zvanično priznat i od strane International Open University kao mjesto u kojem se uči i usvaja znanje, te vrši testiranja studenata iz oblasti islamskih nauka (<https://bicc-chicago.com/2020/06/18/certificate-of-recognition/>), godinu smo počeli i sa novim porodičnim druženjima (<https://bicc-chicago.com/2020/03/01/nastavljamo-sa-porodicnim-family-night-druzenjima/>)

Zbog pogoršane sigurnosne situacije u našem distriktu, zajedno sa imamima iz drugih mesdžida posjetio sam policijsku stanicu našeg distrikta i upoznao se sa svim neophodnim detaljima (<https://bicc-chicago.com/2020/02/01/police-department-of-024th-district/>), a uskoro nakon toga nas je posjetio i Senator Ram V. (<https://bicc-chicago.com/2020/02/08/senator-ram-posjetio-bosansku-skolu/>) s ciljem da se upozna sa džematskim edukativnim aktivnostima.

Treba kazati da smo nepsoredno prije pandemije uspjeli sanirati džematsko mezarje koje sada zaista izgleda prelijepo, pa se ovom prilikom zahvaljujemo svima onima koji su na bilo koji način učestvovali u toj aktivnosti. O tome možete pročitati više putem ovog linka: (<https://bicc-chicago.com/2020/10/21/postavljanje-nisana-na-mezarju-2/>)

U nekoliko navrata naš džematlija Mirsad Čaušević sa svojom kompanijom "Oasis" popravljao je džamijsko grijanje i hlađenje na čemu mu se iskreno zahvaljujemo. S druge strane, džamija je tokom godine uvijek bila čista zahvaljujući našoj Sabaheti Kamber koja se o njoj brinula kao o svojoj kući. Ne možemo izostaviti spomenuti niti našeg fotografa i kamermana, Ibrahima Hadžića, koji nam je u više navrata pomogao, a posebno je lijepo zabilježio mevludski program sa Izetom-ef. Čamdžićem (<https://bicc-chicago.com/2020/10/30/mevlud-2020/>).



Posljednja mektebska aktivnost prije pandemije koja je na inicijativu Vijeća roditelja pokrenuta iz mektepskih prostorija bila je izlet u Chicago History Museum sa našom djecom iz Mekteba (<https://bicc-chicago.com/2020/03/08/mektepski-izlet-u-chicago-history-museum/>), dok smo u Bosanskoj školi uspjeli organizovati proslavljanje Dana nezavisnosti BiH (<https://bicc-chicago.com/2020/03/01/dan-nezavisnosti-bih-obiljezen-u-bosanskoj-skoli-2/>) nakon čega smo nastavu uskoro prebacili na online sistem (Zoom). Mekteb u vrijeme korona virusa bio je jako izazovan za nas vjeroučitelje, ali i za našu djecu (<https://bicc-chicago.com/2020/04/05/mekteb-u-vrijeme-corona-virusa/>) jer smo se morali služiti internet resursima za mektepsku nastavu koji su bili jako ograničeni. Ipak, mektebska 2019/20 iznjedrila je nekoliko novih učaca Kur'ana (<https://bicc-chicago.com/2020/04/22/novi-ucaci-kurana/>), ali nas posebno žalosti jer nismo bili u stanju organizovati planiranu dodjelu diploma za naših 244 učenika u Mektebu i 110 učenika u Bosanskoj školi iako smo sve diplome uredno pripremili, kao i specijalne poklone. Ipak, to smo nadoknadili na drugačiji način; tako što smo u saradnji sa Vijećem roditelja našoj djeci pripremili bajramske paketiće (<https://bicc-chicago.com/2020/05/28/drive-thru-podjela-bajramskih-paketica/>) i uz podršku omladinske grupe organizovali podjelu iste.



Ipak treba kazati da smo ovu mektepsku godinu (2020/21) počeli jako spremni (<https://bicc-chicago.com/2020/09/10/nastavni-plan-i-program-za-mektepsku-2020-21/>) sa upisanih skoro 150 učenika nadajući se da će se nastava ponovo vratiti u džematske prostorije. Tako sam za našu djecu u Mektebu pripremio posebno dorađeno četvrto izdanje dvojezinog udžbenika Maktabiya, ali sam ovaj puta za njih izradio posebne vježbanke pod nazivom Kalemija 1 i Kalemija 2 (<https://bosnjaci.net/prilog.php?pid=70717>) koje svojim sadržajem u potpunosti prate Mektebiju i na taj način olakšavaju učenje našoj djeci i mektebske sadržaje čine još zanimljivijima. S druge strane, učiteljice u Bosanskoj školi objavile su svoju prvu knjigu –

Abecedu - na bosanskom jeziku (<https://bicc-chicago.com/2020/09/10/abeceda-za-djecu-na-bosanskom-jeziku/>) tako da su naša djeca po prvi puta imala vlastiti udžbenik u rukama. Profesorice bosanskog jezika, Amina i Enisa, zajedno sa vjeroučiteljicama Enessom i Jasminom su u proteklom periodu obavile nevjerovatan zadatak; pokrenuti online nastavu i uspješno realizovati predviđeni nastavni plan i program.

Djecu smo podijelili u mektebske grupe, a sav nastavni materijal dostavljamo im putem emailova, kao i Progress Report Cards dok preslušavanja i ocjenjivanja vršimo putem online časova. Za svaki slučaj, sve lekcije specijalno snimamo za našu djecu kako bi se u svakom trenutku mogla pripremati za vikend časove:

- <https://bicc-chicago.com/2020/12/06/lekcije-iz-mekteba-grupa-ilmihal-6-8-god/> /
- <https://bicc-chicago.com/2020/12/06/lekcije-iz-mekteba-grupasufara-9-11-god/>
- <https://bicc-chicago.com/2020/12/05/lekcije-iz-mekteba-grupa-kuran/>

Ramazanske aktivnosti bile su usmjerene na online predavanja (<https://bicc-chicago.com/2020/05/20/poruka-lejletul-kadra/>) i poruke povodom mubarek noći.

Protekli ramazan obilježen je našom posebnom ramazanskom aktivnošću - hafiskom mukabelom kojeg smo i proteklog ramazana učili kolega hafiz Čauš i ja. Hafiska mukabela bila je jako praćena i na poseban način je oblikovala naše ramazane što je zabilježeno i od strane radija islamske zajednice BIR (<https://bicc-chicago.com/2020/05/04/televizija-bir-o-hafiskoj-mukabeli-u-chicagu/>). Sada možemo kazati da na našoj web stranici imamo snimljenu hafisku mukabelu u cjelosti koju možete poslušati u bilo kojem trenutku putem ovog linka (<https://bicc-chicago.com/2020/05/23/hafiska-mukabela-ramazan-2020-svi-dzuzevi/>)

Džumanske hutbe u prisustvu samo članova džematskog Odbora trudili smo se prenositi uživo putem džematske Facebook stranice, jer nam je cilj bio da naše džematlije ne ostanu bez vjerskih poruka na mubarek dan petak (Ovdje smo sačuvali neke od njih:

- <https://bicc-chicago.com/2020/05/29/hutba-05-29-20/>
- <https://bicc-chicago.com/2020/05/01/dzumanska-hutba-1-maj-2020/>
- <https://bicc-chicago.com/2020/04/10/hfz-mesic-kod-allaha-nema-otkaza/>
- <https://bicc-chicago.com/2020/03/21/predavanje-o-miradzu/>
- <https://bicc-chicago.com/2020/04/24/poruka-senatora-rama-clanovima-bicc-a/>
- <https://bicc-chicago.com/2020/04/23/5085/>

Nekoliko hutbi u slučaju mog odsustva iz džemata održao je Suad ef. Čaušević, na čemu mu se iskreno zahvaljujem.

Kurban bajram u džematu smo dočekali u limitiranim uslovima, gdje smo bili zakonski primorani ograničiti broj prisutnih, no hvala Allahu Kurban bajram smo ipak uspjeli dočekati u našem džematu (<https://bicc-chicago.com/2020/08/01/kurban-bajram-u-vrijeme-korona-virusa/>) za razliku od ramazanskog bajrama. Osim toga, ove godine naš džemat uplatio je rekordan broj kurbanu putem Islamske zajednice Bošnjaka Sjeverne Amerike.

Tokom ljetnog raspusta iz štampe je izašao novi džematski bilten (<https://bicc-chicago.com/2017/12/10/bilteni/>) koji će ostati kao svjedočanstvo našeg rada i zalaganja.



U toku pandemije dočekali smo i našu četvrtu godišnjicu od početka akcije za izgradnju IC Čamil-ef. Avdić tako da smo tim povodom sačinili i specijalnu listu vakifa (<https://bicc-chicago.com/2020/06/02/lista-vakifa-za-period-1-juli-2019-1-juni-2020/>). Tu su veliku pomoć pružili Semir Delić i blagajnica hadžinica Vasvija. Zaključno sa 31. decembrom 2020 uspjeli smo prikupiti skoro \$130,000.00 i dostići ukupno \$2,205,000.00 hvala Allahu. Da Allah nagradi i da ukabuli Svim našim vakifima.

Mi se nadamo da će 2021.godina, peta godina od početka naše akcije, biti godina u kojoj ćemo konačno pronaći adekvatnu lokaciju i objekat koji bi mogao zadovoljiti naše potrebe. Svjesni smo da ćemo u tom pogledu morati napraviti mnogo ustupaka; da li znači da će lokacija biti sasvim odgovarajuća, ili veličina objekta, odnosno prostor oko centra, to ćemo vidjeti. U svakom slučaju imam puno povjerenje u članove Savjetodavnog vijeća koji su u proteklih 5 godina intenzivno radili na traženju najboljeg rješenja i koji su u tom periodu pregledali preko 20 potencijalnih lokacija i objekata, održali mnoštvo sastanaka, uvakufili sahate i sahate svog rada u traženju načina kako da riješe ovo pitanje, ali i susretali se sa odbijenicama od strane lokalnih vlasti, zatim kritikama, itd. No, oni su na sve to odgovarali na najbolji mogući način; radom i uspješnim donatorskim večerima. Pred nama će biti važna odluka u kojoj ne smijemo biti sebični i kada ćemo morati misliti o budućim generacijama, a ne o tome da li lokacija ili izgleda budućeg centra se sviđa svakom od nas pojedinačno. U tom pogledu ćemo pokazati jesmo li dorasli da novi centar bude naš generacijski projekat i kako ćemo se postaviti kao vjernici, roditelji, i uopće kao narod. Smatram da jesmo, i uz Allahovu pomoć, mi ćemo uspjeti.

Ovom prilikom želim se zahvaliti svim našim džematlijama koji su tokom proteklih godina bili uz svoj džemat, članovima svih džematskih grupa koji su na bilo koji način doprinijeli da sve u džematu dobro funkcioniše, a posebno aktuelnom džematskom odboru (na čelu sa Farukom Daudbašićem i članovima Nedžadom Kopicem, Nerminom Krličevićem, Dževadom Šorlijom, Šabanom Delićem, Dževadom Šošićem i Mevludinom Husomanovićem) koji su se tokom protekle godine susreli sa velikim izazovima i na njega uspješno odgovorili.

Molim Allaha da naredna 2021.godina sa sobom donese mir, zdravlje i blagostanje, pa da uz Allahovu pomoć ponovo nastavimo sa džematskim aktivnostima na način na koji smo navikli i naučili.

Hafiz mr. Muriz-ef. Mešić